

【第一部分】

一、句讀：完整謄抄以下兩段文字，並加上適當的新式標點符號，包括冒號(:)、引號(「」)、雙引號(『』)、書名號(《》)、篇名號(〈〉)、書名加篇名號(《書名·篇名》)、私名號(人名、地名……____)等均需清楚標示。

1. 段玉裁《說文解字注》(6分)

伐擊也詩勿翦勿伐傳鉦人伐鼓傳皆曰伐擊也禮記郊特牲二日伐鼓何居鄭曰伐猶擊也尚書不愆于四伐五伐鄭曰一擊一刺曰伐詩是伐是肆箋云伐謂擊刺之按此伐之本義也引伸之乃為征伐周禮九伐注云諸侯之於國如樹木之有根是以言伐云

2. 《顏氏家訓·風操》(6分)

凡避諱者皆須得其同訓以代換之桓公名白博有五皓之稱厲王名長琴有修短之目不聞謂布帛為布皓呼腎腸為腎修也梁武小名阿練子孫皆呼練為絹乃謂銷鍊物為銷絹物恐乖其義或有諱雲者呼紛紜為紛煙有諱桐者呼梧桐樹為白鐵樹便似戲笑耳

二、注釋及翻譯(請將以下文字加上適當注釋，並翻譯成語體文，譯文須有新式標點)

1. 《呂氏春秋·驕恣》(7分)

魏武侯謀事而當攘臂疾言於庭曰大夫之慮莫如寡人矣立有間再三言李悝趨進曰昔者楚莊王謀事而當有大功退朝而有憂色左右曰王有大功退朝而有憂色敢問其說王曰仲虺有言不穀說之曰諸侯之德能自為取師者王能自取友者存其所擇而莫如己者亡今以不穀之不肖也群臣之謀又莫吾及也我其亡乎曰此霸王之所憂也而君獨伐之其可乎武侯曰善人主之患也不在於自少而在於自多自多則辭受辭受則原竭李悝可謂能諫其君矣壹稱而令武侯益知君人之道

2. 《說苑·正諫》(6分)

景公有馬其圉人殺之公怒援戈將自擊之晏子曰此不知其罪而死臣請為君數之令知其罪而殺之公曰諾晏子舉戈而臨之曰汝為吾君養馬而殺之而罪當死汝使吾君以馬之故殺圉人而罪又當死汝使吾君以馬故殺人聞於四鄰諸侯汝罪又當死公曰夫子釋之夫子釋之勿傷吾仁也

見背面

【第二部分】

一、解鑿《益智錄》卷之十一〈嚴三鳳〉：

嚴三鳳字秋泉邑之好秀才為人玩世不恭善戲謔開口輒惹人笑而已獨不笑故以是得名未進時慣作代倩文字以此應童科最久每院試搜檢役頗討厭甚至搥衣捋帶上下其手有攜酒者必傾諸甕備牛飲也嚴恨之時值夏日解溺瓶中以新荷漬酒塞其口而入搜役見之聞香以為佳釀去塞急覆諸甕而沫浮焉怪之嚴曰何怪童便耳飲之安心神除惡穢但病者用作引少許即可若輩固督亂或多多益善耶役大恚因此巡場者迭守之使不暇他顧乃得泮游而攘酒之弊端遂除

請將上段文字抄錄在答案卷，並加上新式標點。(10分)

二、袁枚《小倉山房文集》之〈秋蘭賦〉：

秋林空兮百草逝若有香兮林中至既蕭曼以襲裾復氤氳而繞鼻雖脈脈兮遙聞覺熏熏然獨異予心訝焉是乃芳蘭開非其時寧不知寒於焉步蘭陔循蘭池披條數萼凝目尋之果然蘭言稱某在斯業經半謝尚挺全枝啼露眼以有待喜采者之來遲苟不因風而振觸雖幽人其猶未知。

請將上述文字譯為白話文，須用新式標點。(15分)

試題隨卷繳回